



(khas bagi Majalah Qalam - tidak dibenarkan dikutip)

Hasyim Ismail, lorong Engku Aman bertanya:

Saya terbaca di dalam akhbar bahawa Pejabat Agama Perak telah memfatwakan bahawa tiap-tiap orang Islam dari pasukan keselamatan (termasuk Home Guard) yang mati dalam pertempuran itu mati syahid dan tidak wajib dimandi dan disembahyangkan. Petua itu dibangkang oleh beberapa orang ulama dan kerana itu saya suka pula meminta tujuan menerangkan perkara ini mudah-mudahan dapat sama menjauhkan kesamaran-samaran yang bakal terbut daripada petua yang am kandungannya itu.

Jawab:— Sepanjang yang kita baca di dalam akhbar maka majlis agama Islam Perak telah membahagikan syahid itu kepada tiga: syahid dunia dan akhirat, syahid dunia, dan syahid akhirat. Di dalam keterangan-keterangan yang diberi hanya mengatakan bahawa tiap-tiap askar keselamatan, termasuk Home Guard adalah terkandung syahid dunia yang dengannya adalah tidak wajib dimandi dan disembahyangkan.

Di dalam keterangan-keterangan yang disiarkan di dalam akhbar itu tidak ada diberi hujah-hujahnya, hanya yang diberi bahawa yang demikian itu ada tersebut di dalam kitab feqah mazhab Shafi'i seperti Kliubi dan kitab Tuhfah. Tidak dinyatakan apa dia keterangannya yang tersebut yang dijadikan dalil oleh pihak yang mengesahkan keadaan itu – iaitu persesuaian di antara keadaan yang berlaku sekrang dan kejadian-kejadian yang berlaku pada masa dahulu- dan tidak diterangkan pula adakah yang membunuhnya itu pengganas-pengganas

Peringatan:

Pertanyaan-pertanyaan yang tidak disertakan tanda tangan dan alamatnya yang terang tidak diraikan. Juga pertanyaan-pertanyaan yang mengenai di sekeliling hal ehwal masyarakat kita itulah yang diutamakan daripada soal yang sulit-sulit dan jarang berlaku oleh kerana ruangan ini adalah berguna juga untuk panduan pembaca-pembaca.

kafir, murtad, ataupun Islam yang harus terpaksa berjuang di dalam hutan-hutan disebabkan oleh ada pengertian-pengertian yang layanan terhadap pemerintahan yang menjalankan tadbirnya sekarang.

Untuk menentukan yang demikian itu maka lebih dahulu kita wajib mengkaji kedudukan kita daripada beberapa segi – yakni menentukan adakah keadaan-keadaan perjuangan yang dijalankan sekarang boleh dimasukkan ke dalam perkara-perkara yang bersabit dengan hal-hal yang mengenai agama – umpamanya adalah ia terkandung di dalam perang agama kerana menegakkan kalimah Allah yang Maha tinggi, adakah ia termasuk dalam bahagian bertahan diri, atau mencari nafkah dan seumpamanya, sesudah dapat disabitkan maka kita wajib pula menyelidiki adakah askar-askar keselamatan yang terdiri daripada orang-orang Islam dibunuh oleh orang-orang (1) kafir yang dinafikan adanya Tuhan, (2) murtad, (3) orang Islam yang bersama-sama pengganas yang tidak gemar kepada pentadbiran pemerintahan sekarang; (4) orang-orang yang tidak diketahui sama ada ia Islam atau bukan. Berlain-lainan keadaan ini me,bawa pula kepada berlain-lainan hukumnya untuk menentukan keadaan itu syahid atau tidak dan sebab itulah jika fatwa itu hanya am seperti di surat khabar itu maka sudah tentulah yang demikian tidak akan diterima orang bulat-bulat sahaja, jia tidak disertakan keterangan-keterangan yang menunjukkan sebab musababnya.

Di sebalik itu jika ia tidak termasuk kepada

syahid di dalam peperangan jihad fisabilillah maka bukan mudah pula untuk menentukan mereka adakah syahid atau tidak sebab yang demikian adalah mengenai perseorangan yang bergantung keadaannya kepada niat bagi diri orang itu. Jadi sudah terang perkara itu hendaklah dikaji benar-benar dan sampai jangan banyak menerbutkan kesamaran sepatutnya majlis agama Islam Perak lebih bijaksana kiranya memberikan fatwanya dengan cara lepas begitu sahaja. Kita tidak mengetahui adakah telah dibuat demikian dan dijadikan siaran am.

* * *

Seorang yang mati syahid pada jalan menegakkan kalimah Allah Yang Maha Tinggi itu sudah terang balasannya syurga dan di antara keterangan tersebut di dalam hadis yang diriwayatkan oleh Bukhari dan Muslim (maksudnya):

Jabar bin Abdullah (RA) berkata: Seseorang lelaki telah bertanya kepada Rasulullah SAW pada hari “peperangan Uhud”: Ya Rasulullah kalau saya terbunuh maka di manakah kedudukan saya? Junjungan menjawab: “di dalam syurga”. Orang itupun melemparkan buah keramat yang ada di tangannya lalu dia berjuang (melawan musuh) sehingga ia terbunuh.

Perang Uhud itulah ialah peperangan meninggikan kalimah Allah yang di dalamnya sesiapa yang mati adalah mati syahid dengan balasannya syurga.

Jadi peperangan yang meninggikan kalimah Allah itu adalah yang dikenal oleh pengertian orang-orang kita dengan perang sabil dan tujuannya atau panduannya bergantung kepada dia hadis yang terkandung di bawah ini (maksudnya)

Abū Mūsā (RA) berkata: seorang lelaki telah datang kepada Rasulullah SAW dan berkata: “(Apa hukumannya Ya Rasulullah) seorang lelaki berperang kerana berkehendakkan nama, dan seorang lelaki berperang kerana

hendak melihat kedudukan martabat kehandalannya siapakah yang mati pada jalan Allah? Nabi menjawab “Barangsiaapa berperang siapa kalimah Allah (agama Allah) menjadi agama yang tertinggi, maka dia berperang pada jalannya Allah.”

Hadis yang kedua pula demikian maksudnya:

Abu Musa (RA) berkata: Seseorang lelaki telah datang kepada nabi SAW dan berkata: “ Ya Rasulullah! peperangan cara mana yang dikatakan pada jalan Allah? Kerana sesungguhnya ada setengah orang daripada kami berperang kerana marah, dan berperang kerana menjaga taraf dan kebesaran. Nabi menjawab: “Barangsiaapa berperang suapaya kalimah Allah (agama Allah) menjadi agama yang tertinggi maka dia berperang pada jalan Allah.”

Daripada keterangan dua hadis yang tersebut di atas zahir dan nyatahal bahawa perjuangan yang dilakukan oleh pasukan keselamatan itu terang tidak terkandung di dalam perjuangan yang bertujuan meninggikan kalimah Allah – perjuangan bersama yang tersusun kepada tujuan-tujuan itu.

Kalau kita melihat kepada keadaan-keadaan di sekeliling kita dan di sekeliling adanya pasukan keselamatan dan siapa yang memerintah kita sekarang maka untuk menentukan ini, untuk mengetahui segala segunya mestilah kita menerangkannya dengan berterus terang bahawa kerajaan-kerajaan sama ada sultan-sultannya tidak ia sebuah kerajaan Islam dan kita cukup sedar dan mengetahui bahawa tidak ada langkah-langkah itu tujuan serta cita-cita kerajaan (State) itu untuk menyampaikan tujuan-tujuan meninggikan kalimah Allah (yakni menegakkan Negara Islam yang hukuman-hukuman dijalankan). Yang demikian lebih-lebih lagi di atas dasar kerajaan persekutuan sekarang dipandu oleh perikatan yang mereka tidak ada menzahirkan tujuan kepada cita-cita menegakkan kalimah Allah!

Di sebalik itu kita dapat pula melihat bahawa mereka

yang dinamakan pengganas itu ada sebahagiannya terdiri daripada orang-orang Islam yang harus terpaksa melanjutkan perjuangannya di atas suatu cita-cita untuk menjauhkan penjajah dan terpaksa mencari muslihat berkerja sama buat sementara, menyampaikan hasrat mereka sampai agama mereka jangan dijajah. Dengan demikian, jika pun ada keluasan (kita tidak memandang ada) orang-orang itu boleh syahid tetapi ada pula ilah-ilah yang lain mesti ditentukan siapa yang mencederakannya.

Dengan berpegang kepada pengertian yang seperti ini kita memandang bahawa askar-askar pasukan melawan pengganas itu tidak boleh dimasukkan kepada syahid yang difahamkan tidak wajib dimandikan sedang ia kalau pun hendak dimasukkan kepada syahid ialah syahid perseorangan yang berkait di atas niat masing-masing yang tidak diwajibkan mandi dan disembahyangkan menurut hukum biasa iaitu syahid yang terkandung di dalam beberapa keterangan hadis yang di antaranya (maksudnya:)

“Abī Hurairah berkata, bahawa Rasulullah (SAW)

bersabda: dalam masa seorang lelaki berjalan raya, ia telah berjumpa satu ranting yang berduri di atas jalan itu. Lalu dia membuangnya ketepi, perbuatannya itu telah dipuji oleh Allah dan telah diampuni dosanya.”

Kemudian nabi bersabda lagi: “Orang-orang syahid itu terbahagi kepada lima bahagian: yang ditikam, yang mati kerana buang-buang air, yang mati lemas, yang mati dibawah runtuh dan yang mati syahid fi sabillah. – Hadis sahih riwayat Bukhari Muslim.

Hadis yang kita peturunkan yang diajar ini tidaklah boleh disamakan dengan keterangan-hukum hadis yang di atas dan tidak pula ada perkaitan dengan keasaan-keadaan pasukan keselamatan: kita memahamkan bahawa orang-orang yang menjadi anggota ahli pasukan keselamatan itu adalah ia mengharapkan kepada suatu kerja yang mendapat upah atau

hasil daripadanya – tidak dengan sukarelanya sendiri ia tidak pula disusun di atas cita-cita untuk menyampaikan atau membawa kepada tujuan yang dimaksudkan menyampaikan cita-cita tersebut ia hanya boleh dilaitkan kepada niat perseorangan dengan sahaja yang boleh membawanya kepada syahid tetapi syahidnya tidak syahid yang boleh dipandang am.

Kita tidak menempat ada jalannya boleh menjadikan orang-orang askar itu sebagai syahid yang am kerana di sebaliknya tidak ada cita-cita atau tujuan meninggikan kalimah Allah itu di sana ia terletak pula di atas perkaitan perjuangan yang meletakkan mereka kepada blok-blok Eropah yang berkuasa di tanah air kita ini oleh sebab itu kita berharap majlis ada Islam Perak menghalusi semula fatwanya dengan membawa segala segi-segi yang mengenai keadaan di sekeliling kita kerana kita tidak akan dapat meletakkan sesuatu hukum am kepada sesuatu masalah yang bukan am. Kita wajib terlebih dahulu membentangkan di hadapan kita keadaan siapa dan bagaimana askar keselamatan itu berjuang dan kumpulkan, dan siapa dan bagaimana pula keadaan orang-orang di hutan itu.

Patut saudara ketahui bahawa yang dimaksudkan dengan kenyataan syahid dunia dan akhirat itu ialah orang-orang yang tewas dalam perjuangan kerana menegakkan agama Allah seperti yang kita sebuah perang sabul iaitu mendapat pahala yang penuh, syahid dunia ialah orang-orang yang mati di dalam perperangan itu tetapi tidak mendapat pahala atas perjuangannya kerana mereka mengikut berperang untuk mendapat rampasan perang, dan syahid akhirat ialah seperti mati lemas, dan seumpamannya seperti yang termaklum itu,

Untuk menegaskan perkara ini, terutamanya di atas keterangan yang diberi oleh penjajah agama Islam di Perak yang memandang orang-orang Islam yang bekerja di dalam tentera keselamatan itu matinya mati syahid peringkat yang kedua – syahid dunia maka patutlah mereka memerhati dengan lebih jauh bahawa

SYAIR SEMENANJUNG

(OLEH AHMAD HUSIN)

287 . Dagangan yang baik diangkut
kapal,
nampaknya itu manusia dan lemak,
orang yang sesak bersalah
sabil,
kapal yang sarat lalu dirompak,

288. Inilah zaman sibuknya
perempuan,
mencari mengamatara lalulah galak,

orang-orang yang termasuk di dalam syahid yang kedua itu ialah
orang-orang yang masuk (dalam organization perang) di dalam
peperangan yang menegakkan kalimah Alla – tidak yang lain
hanya sanya ia berperang itu adalah kerana hendak mendapat
bahagian daripada rampasan perang semata dan kerana itulah
ia tidak mendapat pahala akhirat yang dijanjikan Tuhan.

Oleh memandang keadaan-keadaan di sekeliling kita sekarang maka
peringkat perjuangan yang ada di Malaya tidak tersusun dan
diatur oleh suatu niat yang tertentu untuk menegakkan
kalimah Allah maka kita berpendapat bahawa tidak sampai
peringkatnya kepada had yang tersebut kerana bolehkah diberi
sesuatu keterangan yang nyata dan tepat bahawa mereka
berjuang itu diatur kepada tujuan-tujuan yang tersebut?
Kita rasa memadai dahulu hingga di sini.

Kapal Sepanyol yang penuh
berasak,
di Hindia barat perempuan mendesak.
289. Inilah zaman pertahanan
Elizebeth,
raja Inggeris yang terkenal
dan masyhur,
Gemilangnya pertahanan tak payah
dibahas,

musuh yang melanggar di laut
terkubur.

290. Kelasi Elizebeth
bermain di air,
di lautan Antartika yang luas
dan garang,
mencari untung berlatih
belayar,
kapal Sepanyol banyak diserang.

291. Kelasi Elizebeth,
Frobisyer dan Drake,
merayau di Atlantik tidaklah
jelak,
musuh di lautan sentiasa
diusik,
Kapal yang sarat lalu digasak,

292. Dagangan Timur jadi
idaman,
hati Inggeris tidaklah nyaman,
jalan tersekat di segala
lautan,
Portugal dan Sepanyol,
punya kawalan.

293. Saudagar Inggeris orang
berani,
menempuh bahaya tidak
peduli,
Kapal dihantar jalan
mencari,
cubaan dibuat bertubi-tubi